



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-37535-178/20
Sarajevo, 09.10.2020. godine

**KABINET PREDSEDavajućEG I ZAMJENIKA PREDSEDavajućEG
SKUPŠTINE KANTONA SARAJEVO**
N/p Dr. Čelik Mirza, predsjedavajući Skupštine Kantona Sarajevo

PREDMET: Odgovor na zastupničko pitanje uvažene zastupnice **Junuzović–Kaljić Amre**.
(Veza: Vaš akt broj: 01-04-37535/20 od 28.09.2020. godine)

Poštovani,

Zastupnica u Skupštini Kantona Sarajevo **Junuzović–Kaljić Amra**, na 29. Radnoj sjednici Skupštine Kantona Sarajevo održanoj dana 28.09.2020.godine, u okviru tačke Dnevnog reda "Poslanička/zastupnička pitanja, inicijative i odgovori", uputila je, među ostalim i Uredu za borbu protiv korupcije i upravljanje kvalitetom Kantona Sarajevo (u daljem tekstu: Ured), zastupničko pitanje u pisanoj formi, kojim od Ureda zahtjeva da izvrši nadzor nad izborom i imenovanjem Komisije za provođenje javnog poziva za predlaganje projekata kulture i sporta radi sufinansiranja iz sredstava Ministarstva kulture i sporta Kantona Sarajevo za 2020. godinu, utvrdi sukob interesa, zloupotrebu položaja, organizovanje u grupe lica sa ciljem stjecanja finansijske koristi i vršenje utjecaja, te da o provedenim radnjama dostavimo cijenjenoj zastupnici detaljan odgovor.

Kako je Ured jedan od adresata kome se uvažena zastupnica Junuzović–Kaljić obratila za odgovor, ovim putem ističemo da pravni osnov za dodjelu finansijskih sredstava neprofitnim organizacijama, udruženjima i pojedincima iz oblasti kulture i sporta u Kantonu Sarajevo sadržan je, među ostalim propisima, u Zakona o sportu ("Službene novine Kantona Sarajevo", broj 45/12-Prečišćeni tekst), Uredbi o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12 – ispravka, 37/13, 16/14 i 6/17) Pravilniku o procedurama i kriterijima za izbor korisnika sredstava tekućih grantova Ministarstva kulture i sporta Kantona Sarajevo za oblast kulture („Službene novine Kantona Sarajevo“, broj 8/17) i Pravilniku o kriterijima za podršku finansiranju javnog interesa u sportu Kantona Sarajevo, („Službene novine Kantona Sarajevo“, broj 9 /19).

Kako se uvažena zastupnica Junuzović–Kaljić u svom zastupničkom pitanju obratila Ministarstvu kulture i sporta Kantona Sarajevo, a imajući u vidu da je riječ o aktivnosti iz isključive nadležnosti tog ministarstva, smatramo da će relevantne odgovore, koji se tiču obrazloženja procedura o načinu izbora i imenovanja Komisije za provođenje javnog poziva za predlaganje projekata kulture i sporta radi sufinansiranja iz sredstava Ministarstva kulture i sporta Kantona Sarajevo za 2020. godinu (u daljem tekstu: Komisija), načinu odobravanja sredstava svim sportskim

udruženjima, kriterijima po osnovu kojih je vršen izbor projekata koji će biti finansirani iz sredstava ministarstva, upravo dobiti od strane ministarstva, kao nosioca budžetskih sredstava.

Ovom prilikom ističemo da su nadležnosti i djelokrug rada Ureda, kao stručne službe Vlade Kantona Sarajevo, propisani Uredbom o osnivanju Ureda za borbu protiv korupcije i upravljanje kvalitetom Kantona Sarajevo („Službene novine Kantona Sarajevo“ br. 07/18, 21/19, 05/20). S tim u vezi Ured nema nadležnosti da vrši nadzor nad izborom i imenovanjem Komisije, utvrđuje sukob interesa, zloupotrebu položaja, organizovanje u grupe lica s ciljem sticanja finansijske koristi.

Članom 11. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“, br. 33/11, 3/12 – ispravka, 37/13, 16/14 i 6/17) propisano je da redovan nadzor nad utroškom sredstava za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo vrši nosilac budžetskih sredstava (Ministarstvo kulture i sporta Kantona Sarajevo u konkretnom slučaju) i budžetska inspekcija Kantona po zahtjevu davaoca sredstava ili u okviru svojih redovnih inspeksijskih nadzora nad utroškom budžetskih sredstava. Uvežana zastupnica Junuzović–Kaljić obratila se i ministarstvu i inspekciji kao nadležnim organima, te je pretpostavka da će on njih dobiti relevantne odgovore.

Sukob interesa u Kantonu Sarajevo, a i u Federaciji Bosne i Hercegovine predstavlja poseban problem s obzirom da je izmjenama i dopunama Zakona o sukobu interesa u institucijama vlasti Bosne i Hercegovine („Službeni glasnik BiH“ br: 13/02, 16/02, 14/03, 12/04, 63/08, 18/12, 87/13, 41/16) Zakon o sukobu interesa u organima vlasti u Federaciji BiH („Službene novine Federacije BiH“ broj: 70/08) postavio neprovodiv. To praktično znači da u Federaciji BiH i Kantonu Sarajevo ne postoji tijelo/organ nadležno za odlučivanje da li neko stanje, postupak ili radnja predstavlja sukob interesa izabраних dužnosnika, nosioca izvršnih funkcija i njihovih savjetnika.

I na kraju ističemo da ukoliko zastupnica Junuzović–Kaljić ima saznanja ili ista bude stekla u narednom periodu o povredama propisa ili drugim nepravilnostima u postupku dodjele sredstava projekatima kulture i sporta radi sufinansiranja iz sredstava Ministarstva kulture i sporta Kantona Sarajevo za 2020. godinu, da ta saznanja prijavi Uredu, a Ured će po istim promptno postupiti, u okviru svojih nadležnosti iz oblasti borbe protiv korupcije. Za sva druga pitanja koja poštovana zastupnica Junuzović–Kaljić bude imala, može nam se svakodnevno obratiti, Ured joj, u okviru svojih nadležnosti, kao i drugim zastupnicima u Skupštini Kantona Sarajevo stoji na raspolaganju, u punom kapacitetu.

S iskrenim uvažavanjem

ŠEF UREDA

Erduan Kafedžić

Dostaviti:

1. Naslovu;
2. a/a.